

Pablik apdeit long saed blong 11 European Developmen Fand Vanuatu Valiu Jen Program

From Gavman blong Republic blong Vanuatu, 6 Okis 2018

Tufala Ministri we oli implimentem 11 European Developmen Fand Vanuatu Valiu Jen Program (11 EDF), Ministri blong Agrikalja, Laevstok, Forestri, Fisheris mo Baeosekiuriti (MALFFB), mo Ministri blong Turisim, Tred, Komes mo Ni-Vanuatu Bisnis (MTTCNVB), mo Ofis blong Praem Mlnista (PMO), i wantem givim apdeit ia long saed blong 11 EDF.

Faenans fasiliti

11 EDF program hemi inkludim wan faenans fasiliti blong 10 milion euro. Fasiliti ia bambae hemi provaedem isi akses long faenans (eksampol olgeta lon) i go long olgeta praevet sekta, speseli blong maekro, smol mo medium saes entapraes (MSME) we oli stap traem blong divelopem bisnis long olgeta trifala 11 EDF valiu jen ia (frut mo vegetebol, kokonatm mo buluk). Bambae fasiliti ia hemi bildimap tu kapasiti blong olgeta MSME long olgeta eria olsem long faenans mo bisnis divelopmen. Be tuafala pati we tufal ai risponsibol blong fandem mo mekem faenans fasiliti ia, European Union (EU) mo Intanasonal Faenans Koperesen (IFC) oli no save kam long wan faenol faenansol agrimen ova long neja blong faenans fasiliti ia. From hemia fiuja posisen blong faenans fasiliti ia hemi no klia. Bambae oli letem evri stekholda long eni bigfala apdeit long saed blong situesen ia.

Elijibiliti blong Projek mo Fanding

Bambae 20 milion oli givim blong mekem projek ia we bambe hemi impruvum olgeta trifala 11 EDF valiu jen, we bambae fanding ia i avelebol long let 2018 kasem 2023 (5 yia). Olgeta praevet mo third-sector oganaesesen bambae oli no save aplae o risivim eni 11 EDF fand ia daerek. Bambae olgeta pablik-sekta bodi oli proposem, lidim mo implimentem olgeta

projek, we bambae olgeta praevet mo third-sector stekholda oli tekpat long hem sapos hemi neseseri (eksampol insaed long wan prokumen o patnaship). Praevet sekta hemi mein sekta we bae hemi benefit long 11 EDF fanding ia, mo Gavman i komitim hemwan blong wok wetem praevet sekta blong divelopem olgeta projek we bambae hemi mekem olgeta benefit i kam bigwan long praevet sekta mo long Vanuatu. Oli stap divelopem olgeta infomeisen gaedlaen long projek mo fanding elijibiliti mo bae oli givimaot long olgeta taem we i stap kam.

Saen, mi tru, Timothy Tumukon Daerekta blong Baeosekiuriti mo Jeaman blong 11 EDF Program Implimentesen Task Fos Ministri blong Agrikalja, LAevstok, Forestri, Fisheris mo Baeosekiuriti, mo Willie Luen Hed blong Aid Kodinesen Yunit Ofis blong Praem Minista.